

KIS Interpretimi 10

Ndihma Qeveritare - pa Lidhje Specifike me Veprimtaritë e Shfrytëzimit

KIS-10 *Ndihma Qeveritare - pa Lidhje Specifike me Veprimtaritë e Shfrytëzimit* u publikua nga Komiteti i Përhershëm i Interpretimeve në korrik 1998.

Në prill 2001, Bordi i Standardeve Ndërkombëtare të Kontabilitetit (BSNK) vendosi që të gjitha standardet dhe interpretimet e nxjerra sipas Akteve të mëparshme të vazhdojnë të jenë të zbatueshme derisa ato të ndryshohen apo të tërhiqen.

KIS Interpretimi 10 *Ndihma Qeveritare - pa Lidhje Specifike me Veprimtaritë e Shfrytëzimit* (KIS-10) parashtrohet në paragrafin 3. KIS-10 shoqërohet nga një bazë për konkluzione. Objekti dhe autoriteti i Interpretimeve jepen në paragrafët 1 dhe 8–10 të KIRFN-së *Parathënie*.

KIS Interpretimi 10

Ndihma Qeveritare - pa Lidhje Specifike me Veprimtaritë e Shfrytëzimit

Referencat

- SNK 8 *Politikat kontabël, Ndryshimet në vlerësimet kontabël dhe gabimet*
- SNK 20 *Kontabiliteti për grantet qeveritare dhe dhënia e informacioneve shpjeguese për ndihmën qeveritare*

Çështja

- 1 Në disa vende ndihma qeveritare për njësitë ekonomike mund të ketë si qëllim inkurajimin ose mbështetjen afatgjatë për aktivitetet e biznesit në disa rajone ose sektorë të industrisë. Kushtet për të marrë një ndihmë të tillë mund të mos jenë të lidhura në mënyrë specifike me veprimtaritë e shfrytëzimit të njësisë ekonomike. Shembuj të kësaj ndihme janë transferimet e burimeve nga qeveria tek njësitë ekonomike të cilat:
 - (a) ushtrojnë aktivitetin në një industri të veçantë;
 - (b) vazhdojnë të ushtrojnë aktivitetin në industritë e privatizuara kohët e fundit; ose
 - (c) fillojnë ose vazhdojnë të bëjnë biznesin e tyre në sektorë të pazhvilluar.
- 2 Çështja shtrohet nëse kjo ndihmë qeveritare është një 'grant qeveritar' brenda objektit të SNK 20 dhe, si rrjedhim, duhet të trajtohet në përputhje me këtë standard.

Konsensusi

- 3 Ndihma qeveritare për njësitë ekonomike plotëson përkufizimin e granteve qeveritare në SNK 20, edhe nëse nuk ka kushte që lidhen në mënyrë specifike me veprimtaritë e shfrytëzimit të njësisë ekonomike, me përjashtim të kërkesës për të ushtruar aktivitetin në disa rajone ose sektorë të industrisë. Prandaj këto grante nuk do të kreditohen drejtpërdrejt në kapitalin neto.

Baza për konkluzione

- 4 SNK 20.03 i përkufizon grantet qeveritare si ndihmë nga qeveria në formën e transferimeve të burimeve tek një njësi ekonomike përkundrejt plotësimit në të shkuarën ose në të ardhmen të disa kushteve që lidhen me veprimtaritë e shfrytëzimit të kësaj njësie ekonomike. Kërkesa e përgjithshme për të ushtruar aktivitetin në disa rajone ose sektorë të industrisë, me qëllim që të kualifikohet për ndihmë qeveritare, përbën kështu një kusht në përputhje me SNK 20.03. Pra, kjo ndihmë është brenda përkufizimit të granteve qeveritare dhe zbatohen kërkesat e SNK 20, në mënyrë të veçantë paragrafët 12 dhe 20, që kanë të bëjnë me momentin e njohjes si të ardhur.

Data e konsensusit

Janar 1998

Data e hyrjes në fuqi

Ky Interpretim hyn në fuqi më datën 1 gusht 1998. Ndryshimet në politikat kontabël trajtohen në përputhje me SNK 8.

